

# Visoki predstavnik Valentin Inzko sastao se s turskim ministrom vanjskih poslova Davutoğluom

Visoki predstavnik Valentin Inzko sastao se danas u Sarajevu s turskim ministrom vanjskih poslova Ahmetom Davutoğluom. Visoki predstavnik upoznao je ministra Davutoğlua s trenutnom političkom situacijom u Bosni i Hercegovini u svjetlu aktuelnih demonstracija koje se održavaju širom zemlje, kao i s drugim izazovima s kojima se zemlja suočava.

Ponovio je da međunarodna zajednica u potpunosti podržava pravo građana da protestiraju protiv sadašnjih socioekonomskih i političkih problema u zemlji, ali da te demonstracije moraju biti mirne i u skladu sa zakonom. Visoki predstavnik također je pozvao nadležne institucije i građane da pod hitno pristupe dvosmjernom dijalogu koji će za cilj imati rješavanje problema građana kroz konkretne aktivnosti. Takav dijalog pomogao bi Bosni i Hercegovini da radi na rješavanju stvarnih poteškoća s kojima se građani susreću i omogućio bi zemlji da krene naprijed kada je u pitanju ispunjavanje uslova na evroatlantskom putu. Međunarodna zajednica je spremna da pomogne građanima i vlastima u vezi s tim pitanjima.

„Nedostatak investicija, nezaposlenost i visok stepen korupcije zajednički su problemi za sve građane diljem Bosne i Hercegovine. Ova pitanja moraju hitno biti riješena“, rekao je visoki predstavnik Inzko.

Visoki predstavnik izrazio je svoju zahvalnost na konstruktivnom angažmanu Turske u BiH, kao i na njenom aktivnom sudjelovanju u radu Upravnog odbora Vijeća za provedbu mira.